

Broj: 03-02-248/2016  
Sarajevo, 11.5.2017. godine

PARLAMENT FEDERACIJE  
BOSNE I HERCEGOVINE

- Dom naroda-  
gđa Lidija Bradara, predsjedavajuća ✓

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

Primljeno: 17-05-2017			
Org. jed.	Broj	Priloga	Vrijednost
02	- 02	- 405	1/16

HITNO

**PREDMET: Izjašnjenje Vlade Federacije Bosne i Hercegovine**

Poštovana,

U skladu sa članom IV.B.3.7.c) (III) Ustava Federacije BiH, a u vezi sa članom 190. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Izjašnjenje Vlade Federacije Bosne i Hercegovine o amandmanu na Prijedlog zakona o penzijskom i invalidskom osiguranju, koji je podnio Aner Žuljević, delegat u Domu naroda Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 102. sjednici, održanoj 11.5.2017. godine.**

S poštovanjem,



Prilog: kao u tekstu

**Co: Federalno ministarstvo rada i socijalne politike  
gosp. Vesko Drljača, ministar**

Na osnovu člana 73. Poslovnika o radu Vlade Federacije Bosne i Hercegovine-Prečišćeni tekst ("Službene novine Federacije BiH", br: 6/10, 37/10 i 62/10), a u vezi sa članom 190. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), nakon razmatranja amandmana na Prijedlog zakona o penzijskom i invalidskom osiguranju, koji je podnio Aner Žuljević, delegat u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 102. sjednici održanoj 11.5.2017. godine, utvrdila sljedeće:

### **IZJAŠNJENJE**

**o amandmanu na Prijedlog zakona o penzijskom i invalidskom osiguranju, koji je podnio  
Aner Žuljević, delegat u Domu naroda Parlamenta Federacije BiH**

### **AMANDMAN I**

U članu 81. dodaje se stav 4. koji glasi:

Osiguranicima koji su ostvarili penziju sa 40 godina staža osiguranja, invalidsku penziju sa 35 godina staža osiguranja i osiguranici koji su ostvarili invalidsku penziju po osnovu invalidnosti uzrokovane povredom na radu ili profesionalnom bolešću, osigurava se penzija, koja ne može biti niža od najniže penzije iz stava 2. ovog člana, uvećane za 35%.

### **IZJAŠNJENJE**

#### **Amandman se ne prihvata** **Obrazloženje**

S tim u vezi, ističemo da je Vlada Federacije Bosne i Hercegovine na 101. sjednici održanoj 4.5.2017. godine, prihvatila sličan amandman Kluba delegata hrvatskog naroda u Domu naroda Parlamenta Federacije Bosne i Hercegovine, kojim je u zakon o penzijskom i invalidskom osiguranju ugrađeno i pravo na zajamčenu penziju. Naime, propisano je da se u članu 81. iza st. (2) i (3) dodaju novi st. (4) i (5) koji glase:

„(4) Zajamčeni iznos penzije pripada osiguraniku koji je ostvario pravo na penziju sa 40 godina staža osiguranja, a kome je penzija određena u manjem iznosu od penzije utvrđene po odredbama stava (5) ovog člana.

(5) Zajamčeni iznos penzije je iznos zajamčene penzije isplaćene za decembar 2016. godine u Federaciji, usklađene za sva pripadajuća povećanja na dan ostvarivanja prava, a dalje se usklađuje od 1. januara svake godine, prema procentu porasta indeksa potrošačkih cijena na godišnjem nivou u Federaciji u prethodnoj godini, a prema podacima Federalnog zavoda za statistiku.“

Na ovaj način osiguranicima koji su ostvarili penziju sa 40 godina staža osiguranja, odnosno onima koji su 40 godina radili i doprinosili u sistem penzijskog i invalidskog osiguranja obezbjeđena je zajamčena penzija.

Imajući u vidu navedeno, predloženi amandman koji je podnio g-din Aner Žuljević, delegat u Domu naroda Parlamenta Federacije Bosne i Hercegovine, ocijenjen je neprihvatljivim.

V. broj: 672/2017  
11.5.2017. godine  
Sarajevo

